

جريدة محاكم

جمعه ایرتسی

نومرو	ذی الحجه	سنه	مایس	سنه	صفحه
۸۷۷	۲۴	۱۳۱۳	۲۵	۱۳۱۲	۱۲۳۴۹

(اشبو غزته بهر هفته جمعه ایرتسی کونلری چقار . سنه لکی درسعات ایچون مجیدیه یکریمی فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولنور . بهر)
 (نسخسی ین مجیدیه یکریمی فروش اولق اوزره یوزیاره به هر یرده صاتیلور . درج اولنه جتی)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دایره سنده کان جریده محاکم اداره سنه مراجعت ایلیلدر)

قسمت رسمی

(فی ۲۲ ذی الحجه سنه ۳۱۳ وفی ۲۳ مایس)
 (سنه ۳۱۲ تاریخیه بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنیمان محاکم مدعی عمومی معاونلرینه یازیلان)
 (تخریرات عمومی صورتیدر)

محاکم شرعیه دن تزکیه شهود ایچون یازیلان
 مستوره ورقه لرینه پول یاشدیرلمسی حقنده دیون

عمومیه واردات مخصوصه اداره سندن واقع اولان
 اشعاردن بمثلله طرف والای قنواپناهیدن مبعوث
 تذکره شورای دولته لدی الحواله ذکر اولنان
 مستوره ورقه لری مصالح ذاتیه به دایر یازیلان
 تذکره و تقریر انواعندن اولدینی کبی دعوتیه
 واحضاریه دن عبارت اولان مراسله ورقه لری
 قیلندن دخی اولیوب محاکمک صورت خصوصیه
 ومحرمانه ده مخبرات رسمیه سندن بولندینی جهتله
 بولنلرک تمغا رسمیه تابع طو تلمامسی لازمه کله جکنه
 واولباده اداره مذکوره قومیسر لکیله جریان
 ایدن مخبره نتیجه سنده مذکور ورقه لرک تمغا

رسمندن استئناسنه مجلس اداره جه موافقت اولنديني بيلديرلسنه مبنی اکا کوره معامله اولنمی تنظیمات دائره سندن ویریلان مضبوطه افاده اولنديني بیانیه بر موجب قرار اجرای ایجابی باتذکره سامیه از بار بیورلش و مأموریتکنز داخلنده بولسان محاکمه لاجل التبلیغ اشبو تحریراتک نسخ مطبوعه کافیه سی لفافه تسیر قلمش اولغله ایفای مقتضای سیاقده .

قسم غیر رسمی

- (در سعادت بدایت محکمه سی ایکنجی حقوق)
- (دائره سندن ۶ شباط سنه ۳۱۰ تاریخی و بشیوز)
- (طقسانیدی عددی ایله ویریلان اعلامک)
- (مابعدی)

اجرا قلنان ایکنجی مناقصه ده ارزاق مذکور نک مناقصه اولی دن یوز سکسان ایرا نقصانیه آخره

احاله ایدلش و بناء علیه امانتک اشبو مناقصه اولاده مغبون اولدینی بونکله ده تظاهر ایش اولدیندن ضرر و زیان مطالبه سنه صلاحیتی اولدینتی مدفعه بیسان و انبا ایلمسی اوزرینه اولابده اجرا قلنان محاکمه و تدقیقات نتیجه سنده مذکور خسته خانه ایله مربوطی عجزه خانه سنک سنه مزبوره ارزاقی مومی الیه طوماس افندی به احاله اولنیش و امانت مشار الیهانک فسخ مقاوله ایتسندن ناشی متعهد مومی الیهک اولابده دوچار اولدینی ضرر و زیانک یکرمی ایکی بیک بشیوز غروش اولدینی تجارت اوطه سی راپورتوسی مؤداسندن اکلاشملغله مبلغ مزبور ایله قرق لیرانک شهر امانتندن تحصیلنه حکمدن واشبو حکم علیهنده شهر امانتی وکیلنک باشلو جه اعتراضاتی اعطا اولنان ارزاقک نمونه موافق اولدینی و هیئت اداره مأمورینک حضورنده تسلیم ایدلدیکی جهته اعلام مذکورک نقض استدعاسندن ومدعی علیه طوماس افندیکنک نتیجه جوابی دخی ارزاقک هیئت اداره مأمورینک حضورنده تسلیم ایدلدیکی و نمونه موافق اولدینی دخی مذکور خسته خانه جه ارزاقک صرف ایدلمسیله ثابت اولدینی جهته اعلامک تصدیق طلبندن و معاون مومی الیهک مطالعه سی دخی متعهدک مقاوله

منعقد احکامنه عدم رعایتی تقدیرنده امانت مشار الیهانک فسخ مقاوله به صلاحیتی ینه احکام مقاوله اقتضاسندن اولدینی و ارزاق میبعه نک نمونه عدم موافقتیه برابر احکام مقاوله به توفیقاً تسلیم اولنه مامسندن طولانی فسخ مقاوله ایدلش اولدینی ادعا قلندی حالده اولابده اجرای تدقیقات ایدلماش اولسنه مبنی اعتراضات واقعه نک موافق قانون اولدینی بیانسندن عبارتدر .

ایجابی لدی المذاکره اعلام مذکور مطالعه سندن اکلاشلدینی اوزره درجه اولی محکمه سنجه مومی الیه طوماس افندیکنک پیاجه فیائندن طولانی ضرر و زیانی اولان اون طقوز بیک بشیوز کسور غروش ایله ارزاقک عدم تسلیمندن طولانی متعهد مزبور طوماس افندیکنک الدن چیقاردینی صرمده محروم قالدینی تجارتدن ماعدا متضرر اولدینی اکلاشیلان اوج بیک غروشک شهر امانت جلیله سندن تحصیلنه حکم ایدلش واشبوا یکی حکمدن اون طقوز بیک کسور غروشک حکمی موافق اصول و قانون بولنیش اولسیله اعلام مذکورک جهت مذکوره به عائد فقره حکمیه سنک تصدیقه و اوج بیک

غروش حقنده کی فقره به کلنجه مدعی مومی الیهک محروم قالدینی اون طقوز بیک بشیوز کسور غروشک تجارت نامیه قبول و حکم اولدندن صکره ارتق ارزاق مذکور بی الدن چیقاردینی صرمده متضرر اوله جفی اوج بیک غروشه دخی حکم ایتک برمال ایچون ایکی تجارت تصور ایتک وایکی کره ضرر و زیان حکم ایلمک دیمک اولدینی جهته امانت مشار الیهانک بوایکنجی ضرر و زیان ایله مسئول اوله میه جفی درکار ایکن برمنوال محرر بشقه جه اوج بیک غروش ضرر و زیان حکم اولنمی مقایر قانون اولدینغه بناء اعلام مذکورک بوجهته عائد فقره حکمیه سنک دخی نقضه و زبرده مفرداتی مرقم التیوز سکسان الی یحق غروش مصارف محاکمه دن نقض خرجی اولان ایکیوز غروشک مستدعیدن و تصدیق خرجی اولان درتیوز سکسان الی یحق غروشک مدعی علیه دن اخذینه ۹ تشرین ثانی سنه ۳۱۱ تاریخنده متفقاً قرار ویریلرک نفهم قلندی .

مدلی تجارت محکمه سندن ۱۹ تشرین اول
سنه ۳۱۰ تاریخی و التمش ایکی عددی ايله صادر
اولان اعلامک تمیزی استدا ایدن مدلولنک
متقاً قریه سنده ساکن سیمو ولد میخائل ايله
مدعی علیه مدلولده مقیم تجارندن پراشکوه تعین
قلنان کونده دائره به کلدگری کی جواب لایحه سی
دخی کوندلماش اولدیغندن اصول محاکمه
حقوقیه قانوننک ایکوز یکریمی طقوزنجی ماده سی
موجبجه تدقیقات تمیزیه اجرا سنده ابندار
اولندی .

اعلام مذکورک خلاصه مآلی مرقوم
پراشکوهنک امره محرر برقطعه سند موجبجه
من بور سیمو ذمتده غیر از تسلیات مطلوبی
اولان اوچوز ایکی مجیدی به محسوباً اوتوز عدد
لیرای عثمانی دخی اخیراً تسلیم ایدلرکنندن من بور
اوتوز لیرانک بالتزویل متباقیسنک تحصیلی طلب
ودعوی و من بور سیمو ايله برادری تئودورک
یکدیگره کفیل بالمال اولدقلربی مشعرو من بورلرک
امضالریله محض برقطعه سند ابراز واعطا ایتسنه
قارشو مدعی علیه سیمو وکیلی دخی مبلغ مدعا به
میاننده فاحش فائض بولندیغنی مدافعه ادعا
ومدعاسی شهود شخصییه ویا مدعی مرقومک

ایجابی مذاکره اولدقدده اعلام مذکور
مندرجا نندن مفهوم اولدیغنی اوزره مدعینک
وقوعبولان ادعاسنه قارشو مبلغ مدعا به میاننده
فاحش فائض بولندیغنی مدعی علیه وکیلی مدافعه
درمیان ایدرک مدعینک تحلیفی طلب ایتش اولسنه

قصبه سنک چقور دره محله سنده مقیمه صمانلی زاده
متوفی حاجی عثمان افندی زوج سی الیفه خاتون
ایله محله مذکورده مقیم تجارندن صمانلی زاده
حسن افندی یوم معینه دائره به کلدکلرندن
اصول محاکمه حقوقیه قانوننک ایکوز یکریمی
طقوزنجی ماده سی موجبجه تدقیقات تمیزیه
اجرا سنده ابندار اولندی .

اعلام مذکورک خلاصه مآلی من بور حسن
افندی طرفندن تحت جزء النوب من بوره الیفه
خاتون طرفندن شراء تحت تصرفنده اولدیغنی
ادعا قلنان مع بقچه بر باب خانه دعواسنه دائر
ملاطیه بدایت محکمه سندن صادر اولان اعلامک
مقدما اسباب قانونیه دن طولانی تمیزاً نقض
واعاده اولنسی اوزرینه بتکرار محکمه
مذکورده جه جریان ایدن محاکمه و تدقیقات
نتیجه سنده املاک مذکوردهنک جزی قراری
۲۴ شباط سنه ۳۰۵ تاریخنده مدعی مرقومک
پدری متوفی عثمان افندی به تبلیغ اولندیغنی
اولیاده کی اوراقندن مستبان اولسنه و من بوره
الیفه خاتونک ابراز ایلدیکی مبیاعه سندنینک
۲۰ مایس سنه ۳۰۶ تاریخنده مصادف اولان
۱۳ شوال سنه ۳۰۷ تاریخی حاوی اولوب شو

کوره بر موجب طلب مبلغ مذکور میاننده فاحش
فائض اولدیغنه دائر مدعینک تحلیفی لازم کلورکن
بلا تحلیف فائض مذکورک تحصیلنه قرار ویرلسی
یولسز و قانونه مغایر اولدیغنه و مستدعینک اعتراضی
دخی بوجهته متدائر اولهرق شایان قبول
کوردیکنه بناءً اصول محاکمه حقوقیه قانوننک
ایکوز اوتوز ایکنجی ماده سی موجبجه اعلام
مذکورک تقضیه قانون مذکورک ایکوز قرق
در دنجی ماده سی حکمنه توفیقاً کیفیتک یکیدن بالرؤیه
اعلامه ربطی ضمنتده محکمه مذکوریه اعاده سنه
وزیرده مفرداتی مرقم در تیوز اون درت بحق
غروش مصارف محاکمه نک ایلروده حق سز
چیه جق طرفه رجوع ایتک اوزره اول امرده
مستدعی تمیزدن النسنه ۷ تشرین اول سنه ۳۱۱
تاریخنده متفقاً قرار ویرلدی .

ملاطیه بدایت محکمه سندن ۱۶ ایلول
سنه ۳۱۰ تاریخی والی سککز عددی ايله اعطا
قلنان اعلامک تمیزی استدا ایدن ملاطیه

حاله جز قرارى تبليغك تاريخندين بيع مذكورى
 حاوى سند مذكورك تاريخى الى درت ككون
 مؤخر بولمسنه و بناء عليه بيع مذكورك معتبر
 اولديغنه مبنى من بوره اليه خاتونك رد ادعايله
 جز مذكورك تصديقه حكمدن ومستدعى تميز
 اليه خاتونك اشو اعلام عليهنده لايحه سنده
 محرر باشلوجه اعتراضى منازع فيه املاكك جزى
 حقنده كى تبليغاتك بولسز لغنه دائر تميزاً
 كوستري لان اسباب موجبك نظر دقه التميز رق
 بتكرار جز واقعتك معتبر عد اولمسي مفارقانون
 اولديغندن بختله اعلامك نقضى استدعاسندن
 ومدعى عليك نتيجة جوابى دخى اعتراضات
 مذكوره نك واهى ايدوكى بيانيله ردى واعلامك
 تصديق طلبندن عبارت بولمشدرد .
 و يرلدى .

ايجابى مذاكره اولندوقده اعلام مذكور
 مندرجاتندن مفهم اولديغنه كوره محكمه تميزك
 قرار سابقى اوزره باقى اولان حجزك قانون
 دائره سنده ايجاب ايدنلره تبليغ ايدلماش ايكن
 يلكز جز نامه به استناداً بيعك فسادينه حكم
 ايدلش اولمسنندن طولاي اعلام سابق نقض
 ايدلش اولمسيه جز مذكورك مديون اولان
 حاجى عثمان افندى به نوقت تبليغ اولنديقى تحقير

ايكنجى محكمه تجارندن ۱۳ تموز سنه ۳۱۱
 تاريخى و بوز تمش الى عددى ايله و يرلان
 اعلامك تميزىنى استدعا ايدن غلطه ده و يواده ده

طقسان سكز نومرولى پيراخانه ده مقیم اودو كيوس
 و عليكساندروس و كيللرى پانده لاكى قوزميدى
 افندى ايله مدعى عليه غلطه ده يوكسك قالدیرمده
 التمش يدى نومرولى اولتله ساكن اولتلى
 كركور تيمورجيان و كيلي ترزيان پوزانت افنديك
 يوم معينده دائره به ورود ايتلريله ايضاحات
 شفاهيلرى استماع قلندقدن صكره تدقيقات تميزيه
 اجرا سنده ابتدار اولندى .

اعلام مذكورك خلاصه مالى منبور كركور
 امره محرر برقطه سنده موجبجه مرقومان
 اودو كيوس و عليكساندروس ذمتنده الاجبى
 اولان يكرمى درت عثمانلى ايراسنك نحصيلنى طلب
 ودعوى وسند مذكورى ابراز واعطا ايتمسنه
 قارشو مدعى عليها و كيلي كچه سنده مذكور
 موكللى طرفندن و يرلش ايسه ده متن سنده
 محرر اولدينى اوزره بدلى تقدأ الخيوب مدعیدن
 اشترا اولنان پيراخانه اشياى حسابندن ايلرو
 كلديكنى و متقابلاً تقديم ايتديكى عرضحاله دخى
 بيان ايلديكى وجهله اشبو سنده بدلى تشكيل
 ايدن اشياى مذكوره موكلرينه تسليم ايدلماش
 و بناءً عليه مستند ادعا اولان سنده بدلسز قالمش
 اولدينى كى دعواى متقابله لى رؤيت اولنور ايسه

حبه واحده دينلرى اولمقدن بشقه خصوص
 مذكوردن طولايى تقدأ و يردكارى ايتله نك
 استردادينه حقلى تظاهر ايدم جكنندن بختله
 هر ايكن دعوايك برلشديرلمسى لزومى مدافعه
 بيان و انبا ايتش ايسه ده سالف الذكر سنده
 زيرنده كى امضال ايله سنده كى كيفيت اعطاسى تحت
 اقرارده اولوب دعواى حاضره نك ديكر دعوى
 ايله برلشديرلمسنه سبب معقول ازانه اولنه مديغنه
 بناءً بو باده كى ادعا نك رديله مجله نك تمش
 طقوزنجى و بيك بشيوز سكسان يدنجى ماده لى
 موجبجه مبلغ مذكورك مدعى عليها من تحصيلنه
 حكمدن و مستدعى تميزلر و كيلي پانده لاكى
 افنديك اشبو حكم عليهنده كى اعتراضاتك
 باشلوجه سى مستند ادعا اولان سنده بدلى پيره خانه
 اشياى بدلدن متولد اولوب حالبوكه اشياى
 مذكوره تسليم ايدلديكى جهته سنده مذكور
 بدلسز قالمش و متقابلاً اقامه ايديلان دعوى
 طلبلى وجهله برلكده رؤيت اولنه حق اولور
 ايسه الاجقلى ظهور ايدم جكى دركار بولمش
 اولدينى حالده محكمه جبه بوجهلرك نظر دقه
 النديغندن بختله اعلامك نقضى و مدعى عليه
 و كيلنك نتيجة جوابى دخى اعتراضات واقعه نك
 واهى و بى اساس اولديقى بيانيله ردى واعلام

مذکور تصدیق طلبیدن عبارت بولنشدر.

ایجابی مذاکره اولندقدہ اعلام مذکور
مندرجاتندن منہم اولدیفنه کوره مدعی مزبور
کر قورک دعواسنه قارشو مدعی علیہما مرقومان
مستند ادعا اولان سندک بدلی نقداً الخیوب
اشترا اولنان اشیا بدلندن متولد اولدیفنی و متقابلاً
تقدیم اولنان عرضحالده دخی بیان اولدیفنی اوزره
اشیای مذکورہ کنندولرینه تسلیم اولنمیرق
قامش و دعوی متقابله لری اشبو دعوی ایله
برلشدیرلرک رؤیت اولنور ایسه حبه واحده
دینلری ظهور ایتدکدن بشقه خصوص مذکوردن
طولانی ویردکاری ایچہ نک دخی استردادینه
حقاری اولدیفنی تحقق ایدہ جکنی بیان و ادعا
ایتمش و هر ایکی دعوانک بر اولدیفنی اکلشلمش
اولسنه کوره مدعی علیہمانک دعوی متقابله لرینک
دخی برلکده رؤیت اولنورق نتیجه حاصله یه
کوره حکم ویرلک مقتضی ایکن محکمه جه هر ایکی
دعوانک برلشدیرلسنه دائر سبب معقول اراء
اولنه مدیفندن بختله مدعی علیہمانک رد ادعایرینه
قرار ویرلسی قانونه مغایر و مستدعیرک اعتراضی
موافق نفس الامر اولدیفنه بناء اصول محاکمه
حقوقیه قانوننک ایکوز اوتوز ایکنجی ماده سی

موجبجه اعلام مذکورک نقصنه و ایکوز قرق
دردنجی ماده سی حکمنه توفیقاً کیفیتک یکیدن
بالرؤیه اعلامه ر بطی ضمننده محکمه مذکورہ یه
اعاده سنه وزیرده مفرداتی محرر درتیوز یکرمی
غروش مصارف تمیزیه نک ایلروده حقسزچیه حق
طرفه رجوع ایتک اوزره اول امرده مستند -
عیلردن النسنه ۲۳ تشرین ثانی سنه ۱۳۱۱ تاریخنده
منفقاً قرار ویرلرک تفہیم قلندی.

ادرنه ولایتی استیناف محکمه سنندن ۳۰ ایلول
سنه ۱۳۱۱ تاریخی ویکرمی ایکی عددی ایله ویریلان
اعلامک تمیزی استعدا ایدن ادرنه نک مرادیه
محلہ سی ساکنلرندن اولوب مقری قریه سنده فریق
سمادتلو عزت پاشا حضر تلرینک قوناغنده ساکن
ملترم کامل وکیلی رضا افندی ایله مدعی علیہ
مالیه خزینہ سی وکیلی سمادتلو رشید افندی یوم
معینده دائرہ به کلری اوزرینه ایضاحات شفاهیہ -
لریله باش مدعی عمومی معاونلرندن عزتلو رجائی

بکک مطالعه سی استماع اولندقدن صکره تدقیقات
تمیزیه اجراسنه استدار اولندی.

اعلام مذکورک خلاصه مالی مزبور کامل
اغا اوچوز سکز سنه سنه محسوباً جانب خزینہ دن
درعهده و التزام ایلمش اولدیفنی ادرنه قضاسنک
اورناقچی و چوملک آقیکاری قریه لرینک واردات
عشریه سنندن غیر از تسلیم عینیات بدلندن اون
یدی بیک سکز یوز یتمش یدی غروش اون طقوز
پاره ایله تقدیات بدلندن قرق بش بیک الی طقوز
غروش که جمعاً التمش ایکی بیک طقوز یوز اوتوز
الی غروش اون طقوز پاره ذمتی اولدیفنی مبرز
مزد قائمہ سی پوصله سیله عندالحاکه مدعی علیہ
کامل اغا وکیلنک واقع اولان افاده سنندن
اکلاشلمش اولمقله مبلغ مزبورک مع اجرت
وکالت تحصیلنه دائر ادرنه بدایت محکمه سنندن
ویریلان اعلام غیابی علیهنده اقامه اولنان
استیناف دعواسی اوزرینه جریان ایدن محاکمات
و تدقیقات نتیجه سننده اصول محاکمه حقوقیه
قانونی موجبجه علی الاطلاق خزینہ مالیه یه
متعلق دعاویده اجرای موقت قراری اعطاسی
عدلیه نظارت جلیله سنندن تمیم ایدیلان ۱۷ مایس
سنه ۹۸ تاریخی تحریرات علیهنده بیان و اشمار

بیورلمش اولسنه بناء مذکور بدایت محکمه سی
اعلامی اوزرینه بر موجب اراده علیہ اجرای
موقت قرارینک علاوه سنه حکمدن و مستدعی
تمیز کامل اغا وکیلی علی رضا افندی نک اشبو حکم
علیهنده کی اعتراضاتنک خلاصه سی موکلنک غیاباً
محکومیتنه دائر بدایه ویریلان اعلام علیهنده
اقامه اولنان استیناف دعواسی اوزرینه بلا سبب
قانونی برده اجرای موقت قرارینک علاوه
ایدلمش و حکم واقع دخی بر ماده قانونیه استناداً
ویرلماش اولدیفندن بختله اعلامک تقضی
و مدعی علیہ مالیه خزینہ سی وکیلی رشید افندی نک
نتیجه اجوبہ سی ایسه اعتراضات مسروده نک
واهی و بی اساس اولدیفنی بیانیله ردی و موافق
اصول و قانون اولان اعلامک تصدیق طلبیدن
و معاون مومی الیهک مطالعه سی ایسه حکم
مستأقف خزینہ جلیله یه قارشو وجاهی اولسنه
مبنی تدقیقات استینافیه اجراسی موافق قانون
اولدیفنی کی اعلامده محکی اسباب موجبیه نظراً
اعتراضات سائرہ دخی موجب نقض کوریله مامش
اولدیفنک بیانندن عبارت بولنشدر.

ایجابی مذاکره اولندقدہ اعلام مذکور
مطالعه سنندن منہم اولدیفنی اوزره استیناف

محکمه سی ۱۷ مایس سنه ۹۸ تاریخی تحریرات
عمومیه حکمنه توفیقاً حکم مستأنف بهده اجرای
موقت حکم اولمدیفندن طولانی اعلام ابتدائیک
یولسزافنه حکمله اجرای موقتیه قرار ویرلش
ایسهده حکم ابتدائی علیه استیناف اولنه بیلیمک
مستأنفک بدایت محکمه سنده درمیان ایلدیک ادا
ومدافعانک جمله سی یاخود بهضیسی محکمه
ابتدائیه جه رفع ایدلش ویاخود مسکوت عنه
براقلمش اولسنه متوقف اولوب مستأنف
خزیننه وکیل ایسه بدایت محکمه سنده اجرای
موقت حقنده برکونا طلبده بولنامسندن ناشی
اجرای موقت حقنده حکم اولنامش اولسی سبب
استیناف اوله مازایکن خزیننه وکیلک بوکا استناداً
استیناف دعوایه قیام ایلیمسی واستیناف محکمه سنک
دخی بوادعای قبول و اجرای موقتیه حکم اتمی
مخالف قانون اولدیفنه و مستدعی وکیلک
اعتراضی دخی بوجهته متدائر اوله ورق شایان قبول
بولدیفنه بناءً اصول محاکمه حقوقیه قانونک
ایکیوز اوتوز ایکنجی ماده سی موجبجه اعلام
مذکورک نقضیه قانون مذکورک ایکیوز قرق
دردنجی ماده سی حکمنه توفیقاً صورت محرره
دائرة سنده یکیدن بالرؤیه اعلامه ربطی ضمننده

آراج بدایت محکمه سندن ۱۸ مایس سنه ۳۰۷
تاریخی واون اتی عددی ابله اعطا قلنان اعلامک
تمیزی قسطمونی زراعت بانک شعبه سی مأموری
توفیق افندی طرفندن باعرضحال استدعا قلمش
ویوم معینده بانک مذکور وکیل اوخانس افندی
وکاله کلوب مدعی علیه آراج قضاسنک دبراق
قریه سی ساکنلرندن عبدالرحمن اغا کلدیک کی
جواب لایحه سی دخی کوندرمامش اولدیفندن
یالکنز وکیل مومی الیهک ایضاحات شفاهیه سبله
باش مدعی عمومی معاونلرندن بورغاک افندیکن
مطالعہ سی استماع قلندقدن صکره تدقیقات تمیزی
اجرا سنه ابتدار قلندی.

واقعہ نک موافق قانون اولدینی بیاسندن عبارت
بولمشدر .

ایجابی مذاکره اولندقدن اعلام مذکور
مندرجانندن منضم اولدینی اوزره دعوائی واقعہ
منافع عامه به متعلق اولدینی جهته اشای محاکمه ده
مدعی عمومیکن حضور به مطالعه سنک استماع
قلمسی لازم کلور ایکن بولده اجرای معامله
اولنقسنزین برمنوال محرر حکم اولنمی اصول
وقانونه مغایر ومعاون مومی الیهک بوجهته متدائر
اولان مطالعه سی دخی شایان قبول کورلدیکنه بناءً
اصول محاکمه حقوقیه قانونک ایکیوز قرق برنجی
ماده سی موجبجه اعلام مذکورک نقضیه وقانون
من بورک ایکیوز قرق دردنجی ماده سی حکمنه توفیقاً
کیفیتک یکیدن بالرؤیه اعلامه ربطی ضمننده
محکمه مذکوریه اعاده سنه وزیرده مفرداتی
مرقم اوچیوز الی درت یجق غروش مصارف
محاکمه نک ایلروده حقسنز چیه حق طرفه عائد
اولق اوزره اول امرده مستدعی تمیزی بانک
وکیلندن استیفاسننه ۲۰ اغستوس سنه ۳۱۰
تاریخنده متفقاً قرار ویرلهرک وکیل مومی الیه
تفهیم قلندی .

اعلام مذکورک خلاصه مائی آراج قضاسی
زراعت بانک شعبه سی وکیل عبده افندی بانک
مذکورک برقطعه سند موجبجه مرقوم عبدالرحمن
اغا ذمتنده مطلوبی بولسان درت یوز یتش بش
غروشک مع فائض تخصیصی طلب ودعوی و برقطعه
سند ابراز واعطا اتمی و عندالحاکمه مدعی علیه
عبدالرحمن اغا مذکور سند کندوسنک اولدینی
بالاقرار انحق حاوی اولدینی اچیه قائمه اولدینی کی
درونده فضله فائض بولدیفنی مدافعه درمیان
ایلمسی اوزرینه جریان ایدن تدقیقات نتیجه سنده
بانک مذکورک فائض کلینک ردیه اصل رأس المال
اولان ایکیوز التمش برغروش سکه فرقی بالتزویل
متباقی ایکیوز برغروشک مدیون عبدالرحمن اغادن
تخصیصنه حکمدن و مستدعی تمیزی بانک وکیلک
اشبو اعلام علیهده لایحه سنده محرر باشلوجه
اعتراضی دین سندننده فائض مقاوله سی مندرج
اولوب حاوی اولدینی مبلغک مع فائض تحت حکمه
النمی لازم کلور ایکن محکمه مذکورجه فائض
حکمدن صرف نظر اولنمی مغایر قانون اولدیفندن
بجمله اعلامک نقضی استدعاسندن ومعاون مومی
الیهک مطالعه سی دخی دعوائی واقعہ منافع عامه به
متعلق اولدینی حاکمه اشای محاکمه ده مدعی عمومیکن
مطالعہ سی استماع قلنامش وسندک فائضی اولدینی
نظر اعتباره التامش اولسنه مبنی اعتراضات

سكود بدايت محكمه سندن ۲۰ تشرين اول
سنه ۳۱۰ تاريخي ويكرمي عددی ايله ويريلان
اعلامك تميزيني استمدعا ايدن سكود قصبه سنده
مقيم باباريه اوغلي ابوستول ايله مدعي عليه قصبه
مذكوره نك جامع كير محله سنده مقيم مدرس زاده
بهاء الدين افندي يوم معينده دائريه كلكلرندن
باش مدعي عموميلك مأموريت عليه سنك مطالعه
نامه سي التذقدن صكره اصول محاكمه حقوقيه
قانونك ايكوز يكرمي طقوزنجي ماده سنه توفيقاً
تدقيقات تميزيه اجراسنه ابتدار اولندي.

اعلام مذكورك خلاصه مآلي مومي اليه
بهاء الدين افنديك صاتميش اولديني معلوم المقدار
قوزه بدلندن طولايي مرقوم ابوستول ذمتنده
از غير تسليمات الاجني اولان اوج بيك اوجيوز
سكسان التي غروشك تحصيلي طلب ودعوي
ايتمي ولاجل الحاكه تعيين اولنان كونده مرقوم
ابوستولك عدم اجابي اوزرينه غيابنده وكيل
مسخر تعيينيله جريان ايدن محاكمه و تدقيقات
نتيجه سنده عندالاعتراض اثبات ويمنه تعليقاً
مبلغ مدعا بهك تاريخ استمدادن اعتبار آيشليه جك
فائض نظاميسيله معاً مدعي عليه دن تحصيلنه
حكمدن ومستدعيناك اشبو حكم عليه نده لايحه سنده

محرر باشلوجه اعتراضی دعوی واقعه اخذ
واعطادن منبعث اولديني جهتله مرجع رؤيتي
تجارت محكمه سي اولديني حالده خارج از وظیفه
حقوق محكمه سي صفتيله رؤيت دعوی اولنسی
مغایر قانون اولديندن بمثلله اعلامك نقضی
استدعاسندن ومدعی علیهك نتیجه جوابی دخی
حكم مذکور موافق اصول وقانون اولديني
بیانیله اعلامك تصدیق طلبندن ومطالعه نامه
مذکور مندرجاتی دخی مستدعی تميز صفت
تجاریه بی حائر اولديني کبی دعوی واقعه دخی
معاملات اخذواعطادن متولد اولسنه مبنی وظیفه
حقنده کی اعتراضك موافق قانون اولديني بیانندن
عبارت بولمشد.

ایجابی مذاکره اولندقدن اعلام مذکور
مآلندن اکلشله دینی اوزره من بور بهاء الدين
افندی بدایه اعطا ایلدیکی عرضحالنده مدعی علیه
مرقوم ابوستول فایزیه طور اولديني بیان
ایتمسه وبوکي تجار علیه نده اقامه اولنان دعاوی نك
فصل ورؤيتي تجارت محكمه سنه عائد بولمسنه نظراً
دعوی واقعه نك تجارت محكمه سي صفتيله فصل
ورؤيت اولنسی لازم کلورايکن محكمه مذکوره جه
بوراسنه دقت اولنیه رق حقوق عادیه صفتيله رؤيت

دعوی اولنسی مغایر قانون اولديني ومطالعه نامه
مذکور مندرجاتيله مستدعی تميزك بوبابده
اعتراضی موافق نفس الامر بولنديغه بناءً اصول
محاكمه حقوقيه قانونك ايكوز اوتوز ايكنجي
ماده سي موجبنجه اعلام مذکورك نقضيله قانون
مذکورك ايكوز قرق اوچنجي ماده سنه توفيقاً
کيفيتك عائد اولديني تجارت محكمه سنه حواله سنه
وزیرده مفرداتی مرقم درتيوز طقوز بچق غروش
مصارف محاكمه نك ایلروده حقسنر چيقه جق طرفه
عائد اولق اوزره اول امرده مستدعی تميزدن
اخذینه ۱۶ ایلول سنه ۳۱۱ تاريخچنده متفقاً
قرار ویرلدي.

اعلام مذکورك خلاصه مآلي مرقوم
ابراهيمك قصبه مذکورده جوارنده يشيل طاش
نام محله واقع باسند عهدۀ تصرفنده بولنان
معلوم الحدود تخمیناً درت دوم مقدار ی باغ
یرینه مرقوم حسين و شریکی علی طرفلرندن
وقوعبولان مداخله لرینك منعنی طلب وادعا ایتسنه
قارشو مدعی علیهما حسين و علی اغالر مذکور
باغ یرینی اراضی حالیه دن اوله رق کندولرینك
اعمار ایلدکلرینی تواتراً اثبات ایدن جکلرینی
مدافعه درمیان ایتمشلر ايسه ده مذکور باغ
یرینك مرقوم ابراهيمك پدرندن انتقالاً اون
سنه دنبرو تصرف ودرت بش سنه دنبرو چپوق
وفسدان غرس ایدرك حراثت ایتمکده اولديني
استماع قلنان شهودك شهادتلی ايله ثابت
اولديغندن مجله نك بيك سکنز یوز اون سکنزنجي
ماده سنه توفيقاً مرقومان حسين وعلينك منع
مداخله لرینه قرار ویرلديکندن ومستدعی حسين
اغانك اشبو قرار علیه نده کی اعتراضاتك
باشلوجه سي منازع فيه اولان باغ یری درت

دو نمند عبارت اولدینی حالده حین کشفده تعیین
قلنان اهل وقوف یکر می بش دو نم مقداری ارا نه
ایتمش و طایو قلمندن وارد اولان تذکره
جوابیده مرقوم ابراهیمک عهده سنده بولسان
محل خرمن یری کوسترلمش ایکن محل مذکورک
اراضی حالیه دن عد ایدلمسی و محل منازع فیهک
اراضی حالیه دن اولدینی تواتر اثبات الیه جکفی
عندالحاکمه کندوسی در میان ایتمش و نفس متواتر
بینه سی اولی بولنش ایکن بوجهتک نظر دفته
النامسی مغایر قانون اولدیندن بختله اعلامک
نقضی و مدعی علیهک نتیجه جوائی دخی منازع فیه
اولان باغ یری کندوسنک عهده تصرفنده
بولندینی بینه ابله ثابت اولدیندن اعتراضات
مسرووده نک ردیله اعلامک تصدیقی طلبندن
عبارتدر .

ایجابی مذاکره اولندوده مندرجات اعلامدن
منفهم اولدینی اوزره مرقوم ابراهیم منازع فیه
باغ درت دو نمند عبارت ایدوکنی ادعا و هیئت
کشفیه یکر می بش دو نم مقداری باغ یری ارا نه
ایتملری و طایو قلمنک تذکره جوابیده سنده مرقومک
ربع حصه خرمن یری اولدینی کوسترلمش ایکن
محکمه جه اشبو اشعار جوابیدن محل نزاعک اراضی

خالیه دن اولدینک استنباطیله خرمن محانده یکر می
بش دو نم اراضی عدیلله طایو قلمی درکناربنک
یا کلش تلقی اولنسی و محل منازع فیهک اون
سنه دنیرو عهده سنده مقید ایدوکنی مرقوم ابراهیم
افاده ایتمش ایکن مؤخرآ اون بش سنه دنیرو عهده
تصرفنده اولدینی در میان ایدوب اشبو افادتی
یکدیگر بینه مبین اولغله برابر پدر ینک وفاتندن
صکره محل منازع فیهک دیگر ورثه انتقال
ایده جکندن ورثه مرقومه طرفلندن وکالتی حائر
اولوب اولدینک تدقیق اولنامسی و نفس متواتر
بینه سی مرجع اولوب مرقوم حسین محل منازع فیهک
اراضی خالیه دن اولدینی اثبات ایده جکفی در میان
ایتمش ایکن بوراسنه حواله سمع و اعتبار اولندینی
کی خصمنک شاهدلرینک طغی و بوباده شاهد
اقامه اولنه جنی حقنده کی اعتراضک دخی نظر دفته
النامسی و شریکی علی یالکز بر دفعه محاکمه ده
بولوب تفهیم قرارده دخی بولندینی ضبط ورقه لری
ایله مثبت ایکن مرقوم علی حقنده غیاباً حکم
ویرلیوب هر ایکسی ایچون و جاهاً حکم اولنسی
مغایر قانون اولدیننه بناء اصول محاکمه حقوقیه
قانوننک ایکوز اتوز ایکنجی و ایکوز قرق برنجی
ماده لری موجبجه اعلام مذکورک نقضنه
وزیرده مقرر داتی مرقوم اوچبوز الی بش غرضش

مصارف محاکمه نک ایلروده حقسز حقیقه جق طرفه
رجوع ایتک اوزره اول امرده مستدعبدن التسنه
۲۲ شباط سنه ۳۰۴ تاریخنده متفقاً قرار
ویرلدی .

اعلان

بک اوغلنمه بیوک پرمق قبوده حاجی چیقماز
زقاغنده ایکی نومرولی خانه ده سا کنه تبعه دولت
علیه دن و روم ملتی نسوانندن لوقسی بنت
طودورینک قاضی قریه سنده زهدی پاشا محله سنده
اون بش نومرولی خانه ده مقیم اوقاف هایون مفتشی
مرحوم مصطفی رشید افندی زاده محمود هدایت
بک علیه نه اقامه ایلدیکی یوز التمش بر ایرامطلوبات
و تصدیق جز دعواسنک رؤیت و محاکمه سی ایچون
علی الاصول تنظیم اولنوب مدیون مومی الیهک
کچن سنه اقامت ایتدیکی قاضی قریه سنه کوندریلان
دعوتنامه به مومی الیه هدایت بکک بولنه مدینی


و محل اقامتی مجهول بولندینی قریه مذکورده امامی
افندی طرفندن اخبار ایدلمش و مدعیه من بوره
جانبندن دخی مومی الیهک اقامتکاهی تعیین
اولنه میوب غزنه لرله اعلان ماده اولنسی طلب
ایتمش و طلب مذکور اصول محاکمه نک یکر می
التنهی ماده سنه موافق کورلمش اولدیندن کله جک
حزیرانک برنجی جمعه ایرتسی کونی ساعت بشده
اجرای محاکمه ایچون تعیین اولنه رق یوم مذکورده
مومی الیه محمود هدایت بک محکمه به بالذات کلدیکی
و طرفندن بروکیل دخی کوندرمدیکی صورتده
معامله قانونیه نک اجرایی طبعی ایدوکندن اشبو
دعوتیه ورقه سی بالتنظیم بری محکمه دیوانخانه سنه
تعلیق اولندینی کی دیگری دخی غزنه لر ابله
اعلان اولنور .

فی ۲۲ نisan سنه ۳۱۲

عارف افندینک خلیل رفعت افندی ذمتنده
در سعادت بدایت محکمه سی ایکننجی حقوق داثره -
سندن استحصال ایلدیکی برقطه اعلام موجبجه
محکوم به مطلوبی بولسان مبالغ معلومه نک تأمین


استیفاسی ایچون مدیون مومی الیهک عهدہ
تصرفندہ اولوب تحت جزہ النان کدک پاشا حامی
جاده سنده امین سنان محله سنده الی نومرولی
برقطعه وقف عرصہ نک تاریخ اعلاندن اعتباراً
اون بش کون صکرہ بالمزایدہ فروختہ تشبث
اولنہ جنی درسمادت اعلامات نظامیہ اجرا
دائرہ سندن اعلان اولنور .

فی ۱۰ مایس سنہ ۳۱۲



حاجی محمد افانک $\frac{۳۱۲}{۸۵}$ نومرولی اعلام
موجبہ طناش رجویہ محکوم بہ دینی بولسان
مبالغہ تأمین استیفاسی ضمنندہ مدیون مرقومک
آخورندہ واقع برجفت عربہ بارگیری شهر جاری
رومینک اوتوزنجی پنجشنبہ کونی درسمادت آت
پازارندہ بالمزایدہ فروخت اولنہ جفندن طالب
اولنلرک یوم مذ کورده ساعت الی قرارلرندہ محل
مذ کورده بولنملری اعلان اولنور .

فی ۲۸ مایس سنہ ۳۱۲



سلمان شفیق افندیکنک درسمادت بدایت
محکمہ سی برنجی حقوق دائرہ سندن اعطا قلنان
اعلام موجبہ حسین اغا ذمتندہ الاجنی اولان
مبالغہ معلومہ نک تسویہ سیچون مرهون وفروختی
محکوم بولنان قوجه مصطفی پاشا جوارندہ داود
پاشا محله سنده واقع یوزاوتوز الی نومرولی
وتخمیناً ایکبوز آرشون عرصہ اوزرینہ مبنی کهنہ
اخشاب بر باب خانہ نک نصف حصہ سیلہ خانہ
مذ کورہ متصل یوزاوتوز سکز نومرولی وتخمیناً
بیک سکز آرشونی حاوی نصف خانہ عرصہ سنک
تاریخ اعلاندن اعتباراً اون بش کون صکرہ
بالمزایدہ فروختہ تشبث اولنہ جنی درسمادت
اعلامات نظامیہ اجرا دائرہ سندن اعلان
اولنور .

فی ۳۰ مایس سنہ ۳۱۲